

續山東考古錄卷之二十一

滄州葉圭綬子佩甫述

沂州府下

莒州

周莒國都又鄆邑或屬魯又渠邱邑又向國後入莒莒滅於楚又入齊

春秋隱公二年莒人入向杜注莒國今城陽莒縣

詩以按徂旅孟子作

以遏徂莒韓非因有文王克莒之說路史從之以爲卽此莒國王應麟載其說於困學紀聞蓋廣異聞耳未敢從

春秋文公十二年季孫行父帥師城諸及鄆杜注姑幕縣南有員亭卽鄆也昭元年取鄆按鄆在姑幕縣南四十里則在

續山東考古錄

卷之二十一

莒州

一 蝸角尖廬

州北境不在沂水境卽劉宋東莞縣

詳下及沂水○古圓字多作員與運鄆雲瑗古

音皆通鄆城以正圓得名漢東莞縣本鄆邑地後於其縣立郡兩城亦仿其制故南燕於郡故城立團城鎮今沂水城仍正圓也○昭公處鄆西鄆也後漢志東莞縣下劉昭注引公處鄆殊謬○魏書鹿念傳青州軍救琅邪次鄆城卽鄆城

又成公八年左傳晉申公巫臣與渠邱公立於池上杜注莒縣有蘧邱里按九年楚伐莒渠邱先潰次莒次鄆自南而北

渠邱在莒南明矣安邱渠邱亭乃前漢北海安邱所改非是

向國故城在南七十五里

詳蘭山

戰國策勃貂謂法章曰王走而之城陽之中山按法章後爲

莒大史敫家傭城陽正莒地疑莒別邑名戰國已有之矣

漢兗州城陽國治莒縣初爲城陽郡屬齊

高帝六年以城陽等六郡封齊又呂后紀

齊王乃上文帝二年析齊置城陽國史記漢興以來諸侯年表

城陽之郡郡當十一年為郡仍屬齊共王喜十六年復為國喜還又徐州

琅邪郡姑幕縣靈門縣箕縣榑縣析泉縣高鄉縣高廣縣新山

縣高陽縣又東莞縣地鄆亭漢東莞地見漢志孟康注。十三

州志海曲故城在開陽東百三十里按

開陽在蘭山縣北其東百餘里已入州境

此東海郡之海曲縣疑治所亦在州南也

莒縣即今治舊唐志莒縣漢屬東海郡誤

姑幕縣故城在東北一百六十里此本寰宇記據水經注姑

幕城在浯水之北據博物記公冶長墓在城東五里今墓在

諸城西北四十里錫山側故一統志列姑幕於諸城州志謂

即今石阜集再考應劭以姑幕為薄姑非是

續山東考古錄

卷之二十一

莒州

二 蝸角尖廬

靈門縣故城在北百 里寰宇記莒縣靈門按郡國縣道

記云在今縣西南六十里當沂水縣東北一百里有巨平山

在山北浯水側近今無址按郡國縣道記唐賈耽作所謂今

縣未詳所指或曰似指樂氏引之竟似在莒縣西南矣最足

貽誤一統志謂即今石阜集石阜集在浯水北而水經注不

云浯水逕靈門縣城南未敢從

箕縣故城在東北百 里元和志莒縣濰山在縣東北八

十三里寰宇記誤作水經注濰水導源濰山東北逕箕縣故

城西是箕縣城當在州東北濰水東南寰宇記箕縣故城在

莒縣東北一百餘里是也府志箕城在州西北七十里誤

裨縣故城在南 里寰宇記裨漢志注云夜頭水經裨南至海又輿地志云向水南至海夜頭向水蓋異名裨蓋在今縣南故向城按此究無的據未敢逕從

析泉縣故城在東北

里水經注濰水自箕縣又東析泉

水注之水出析泉縣北松山東南逕析泉縣東又東南逕仲固山東北流入於濰濰水又東北逕諸縣故城西又東北涓水注之按仲固山在日照西北百二十里一作龍姑山姑又作骨其東

有膏澤河在諸縣城西似即析泉水諸城志松山在莒州北境沈流莊西北其東南七十里為仲固山其圖仲固山正在膏澤河西岸析泉故城當在仲固山西北莒州境內寰宇記

續山東考古錄

卷之二十一 莒州

三 蝸角尖廬

稱當在分流山東北山有涓水源即古析泉水是混雨水為一考分流山在仲固山東南析泉城能在其東北耶齊乘竟以分流山為松山矣

高鄉縣故城在東南七十三里此本寰宇記齊乘疑即州南十字路其地至州百里未敢從

寰宇記高廣縣在莒縣南界 又新山縣在莒縣界

高陽縣故城在東南 里今高羊社

後漢徐州琅邪國莒縣建武十三年并城陽國入琅邪建武二年封春

陵侯嫡子祉為城 改琅邪郡為國宋治永平五年徙治開陽三國

陽王十一年薨 魏志注英雄記呂布屯下邳時有宋海蕭建為琅邪相治莒當在獻帝初也未詳何時還治開陽 又姑幕縣又

東莞縣地建安三年復置城陽郡後移治東武漢徙魏徙或復置卽治彼或自

此徙彼皆所未詳以舊治莒姑係於此莒姑幕並割屬魏因之

補三國志城陽郡漢置國中興後省入北海按城陽領四縣後漢省慮入蓋莒東安陽都皆屬琅邪晉志城陽郡漢置屬北海乃兗州傳寫之誤洪氏誤蓋由此

晉青州城陽郡莒縣姑幕縣太康十年二縣屬東莞郡元康十

年移東莞郡來治莒縣南燕慕容德徐州治鄆城晉割屬姑幕

寰宇記惠帝東莞郡移理莒城又云南燕慕容德以尚書潘

聰爲徐州刺史鎮莒城補十六國志南燕東莞郡莒城縣下

云漢莒縣城字蓋惠帝所增晉書載記燕二年德進據莒城

續山東考古錄 卷之二十一 莒州 四 蝸角尖廬

晉守將仕安委城遁德遣劉綱追斬辟閻渾於莒城綬按遍

考晉宋魏地志無莒改莒城之說莒城猶言莒縣城耳洪氏

未免過泥

劉宋徐州東莞郡治莒縣又東莞縣

劉宋東莞縣故城在北百二十里今東莞集隋志東莞縣有

箕山濰水後齊併姑幕入焉考鄆城在姑幕南四十里姑幕

城在州北稍東百六十里東莞集方位里數皆符一統志沿

革表謂隋縣卽鄆城是也杜預京相璠並稱姑幕郛亭而鄆

道元稱漢縣魏郡皆爲故城是晉東莞縣猶在故治移此或

在晉宋間乎

後魏南青州東莞郡治莒縣及東莞縣又義塘郡治義塘縣歸

義縣懷仁縣郡縣俱武定七年置初置在今江南海州界郡治黃郭

戊在海州北八十里後移州界又膠州東武郡姑幕縣

魏志莒縣有莒城按水經注洙水過莒縣東其城三重並悉

崇峻唯南開一門內城方十二里郭周四十許里地理志曰

莒子之國秦始皇縣之漢興以為城陽國是莒縣即古莒城

元和志莒縣理莒國故城寰宇記同是莒縣並未徙治所有

當即指外城如縣治外城即指內城耳而懷仁縣治州南境

亦云有莒城殊所未詳或曰莒亦都渠邱或指渠邱歟備考

寰宇記海州懷仁縣梁於此置黃郭戍後魏置義塘郡理黃

續山東考古錄 卷之二十一 莒州 五 蝸角尖廬

郭戍領義塘懷仁歸義三縣並理今密州莒縣界又云郡縣

俱移就高密郡莒縣界內置在古辟陽城後詳雜考州志州東

南有故郡中故郡老故郡北故郡大郡等社皆近義塘郡村

名也魏志歸義有蘆山懷仁有吳山皆在今州南寰宇記歸

義故城在懷仁縣此懷仁在江南贛榆北二十五里亦在州境內

高齊南青州周莒州義塘郡莒縣天保七年廢東莞郡又懷仁縣

又東莞縣未詳所屬周因之

寰宇記齊文宣帝罷東莞郡以莒東莞二縣屬東安郡隋開

皇三年廢郡考隋志莒縣舊置東莞郡後齊廢復置義塘郡

按義塘郡本後魏移置莒境者並非齊始置齊廢東莞郡或

移義塘郡治莒城或仍魏舊雖未可知而莒縣屬義塘郡則  
隋志有明證東莞似亦屬義塘郡或屬東武郡樂氏不知齊  
東莞不在團城故謂屬東安亦難為據

寰宇記懷仁縣隋開皇三年移理於此海州西北九十里則齊周仍

魏舊矣隋志懷仁下東魏立義塘郡及懷仁縣不及義塘歸

義當亦齊廢

隋沂州莒縣開皇三年廢義塘郡徙懷仁於今江南海州嶺

榆縣莒縣屬莒州沂州治沂水大業三年來屬又高密州東莞縣

唐河南道高密州莒縣武德五年以縣屬莒州貞觀八年州廢

來屬五代因之

續山東考古錄 卷之二十一 莒州

六 蝸角尖廬

宋京東東路高密州莒縣

金山東東路莒州治莒縣大定二十二年於縣置城陽州二十

四年改析置日照縣

元都省山東益都路莒州治莒縣

明山東布政司青州府莒州洪武初廢莒縣其地直隸於州

國朝山東布政司沂州府莒州初因明舊雍正八年直隸布政

司十二年降散州來屬

州志 嘉慶元年修 知州許紹錦

沂水縣

周紀浮來邑 一作包來 一作邳來 又莒密邑蚡泉邑又陽國後入齊根牟

國後入魯又戰國齊蓋邑

浮來邑在西北八十里春秋隱公八年公及莒人盟於浮來  
杜注紀邑東莞縣北有邳鄉邳鄉西有公來山號曰邳來間  
公穀作包來范甯以為宋邑似誤縣志浮來山隋志名松山  
今名閔公山齊乘以莒州南之浮邱山當之非是 漢功臣  
侯表邳離侯路博德下有朱虛字據漢志東泰山隸朱虛邳  
來在東泰山南即邳離矣史表作浮離蓋浮有符音矣

密邑在縣西南春秋閔公二年莒人歸共仲及密杜注費縣  
北有密如亭水經注沂水南合時密水水出時密山莒地莒  
人歸共仲及密而死是也按時密山在縣西南四十里其地

續山東考古錄

卷之二十一

沂水縣

七

蝸角尖廬

非費縣北或注有誤歟侯再考

蚡泉邑在縣西南春秋昭公五年叔弓敗莒師於蚡泉縣西

南百二十里有盆泉縣志謂即蚡泉從之

公羊作瀆泉穀梁作賁泉傳云狄人

謂賁泉失台蓋謂東夷語也諸城廬水又名久台水疑與此同失久字形相近傳寫或誤

孟子王使蓋大夫王驩為輔行又兄戴蓋祿萬鍾四書釋地

以為半為王朝下邑半為卿族私邑理或然也

水經注時水支津經高苑

縣有蓋野溝水注之在今新城境南去於陵甚近烏知非彼處別有蓋邑乎備考

即漢縣

春秋閔公二年齊人遷陽漢志陽都下應劭注齊人遷陽故

陽國是

俞皋春秋釋義齊遷陽在今保定路唐縣按昭十年齊高偃帥師納北燕伯於梁陽左傳作唐杜注陽即唐別邑俞氏以地同名而臆度之耳漢東海郡有都陽縣應劭注與陽都縣下同或自此遷彼歟

根牟國故城當在東南春秋宣公九年取根牟杜注陽都縣

東有牟鄉寰宇記以安邱牟鄉城當之非是後漢志陽都有

牟臺卽根牟劉昭注引會平州事誤公羊以爲邾婁邑似誤

漢徐州琅邪郡東莞縣又朱虛縣地邾來前漢隸朱虛晉隸東莞見前後漢魏未詳兗

州泰山郡蓋縣城陽國東安縣陽都縣西北當有慮縣地

東莞縣故城在東北四十里今城子嶺詳下

蓋縣故城在西北百二十里今蓋邑莊寰宇記作八十里誤

東安縣故城在南三十五里今東安社

陽都縣故城在西南百二十里今魏王城後漢書注在承縣南彼或都陽縣歟

後漢徐州琅邪國東莞縣東安縣陽都縣兗州泰山郡蓋縣承平

續山東考古錄 卷之二十一 沂水縣 八 蝸角尖廬

二年以泰山之蓋益琅邪後漢末於東莞縣地置東莞郡於蓋

又屬東海未詳何時還屬後漢末於東莞縣地置東莞郡於蓋

縣地置東安郡三國魏志臧霸傳太祖破呂布以尹禮爲東莞太守時在建安三年水經注稱魏黃初中立誤

又四年使霸入青州破齊北魏因之晉書下邳王晃傳魏世爲

海東安二郡或建安初立也東莞太守武帝受禪封下邳王又三國魏志國淵傳樂安蓋人宋志蓋縣下云晉太康地

志屬樂安考蓋縣與樂安郡地不接壤而東安郡城在其縣境

是魏至晉太康前蓋縣屬東安郡二書樂字皆東字形訛耳陳

思王植傳注摯虞文章志劉表子季緒爲東安太守是二郡皆

終魏世所有補三國志漢末置東安郡旋省似未核

東莞郡城卽今縣治舊以今治爲東莞縣城以東北城子嶺

爲古鄆邑城非也水經注沂水逕東莞縣故城西與小一本脫此

字 沂水合孟康曰故鄆一本訛 邑今鄆亭是也魏文帝黃初

中立爲東莞郡東燕錄謂之團城魏南青州治左氏傳曰莒



魯爭鄆爲日多矣今城北鄆亭是也京相璠曰琅邪姑幕縣

南 杜預稱城陽姑幕 四十里員亭故魯鄆邑今在團城東北

四十里猶謂之東莞故城按在團城東北四十里者既以爲

鄆邑鄆邑在漢晉之世未爲縣治何以稱爲東莞故城耶城

子嶺在姑幕城西南七八十里與京杜說皆不符莒州之東

莞集確是鄆城則城子嶺當爲東莞縣治而今治爲東莞郡

城古郡國與所治縣多不同城人不察耳道元誤以團城爲

縣城因誤以縣城爲鄆城而兩城皆名東莞則一縣治一郡

治固甚明也近志謂縣城在今治西北愈謬

東安郡故城在西北九十許里今東安莊後魏志蓋縣有東

續山東考古錄

卷之二十一

沂水縣

九 螭角尖廬

安城考漢東安縣在縣西南與蓋縣中隔宋魏發干縣地斷

非所有縣志云西北九十里東里店東北五里沂北岸有東

安莊莊西北有石橋二相傳爲東安城吊橋去蓋邑莊二十

餘里蓋縣所有必此城據水經注漢縣城在團城西南非此

城則此城爲東安郡城無疑矣

晉徐州東莞郡治東莞縣郡治郡城武帝併郡入琅邪國

晉書琅邪

王佃傳初封東莞郡王後

太康

年復

晉志徐州下稱太康元年置東莞郡下稱太康

改封琅邪以東莞益之 中置考仙於太康四年薨似復郡當在此時缺疑俟考朱謀璋

以晉志與水經注魏置互異爲未詳蓋不知郡曾併入琅邪也 又蓋縣

太康前屬東安

琅邪國陽都縣東安縣元康元年移東莞郡治

莒縣復於郡城置東安郡南燕慕容德於郡城置團城鎮

隋志沂水舊置東安郡蓋東莞郡移治復於此置東安郡也  
劉宋徐州東安郡治蓋縣郡治縣之團城又發干縣

後魏南青州治東安郡治蓋縣州郡治縣之團城顯祖於郡置  
東徐州太和二十二年改又發干縣高齊省蓋入新泰

宋魏東莞縣已移治莒州之東莞集東安縣又省郡無倚郭  
縣當爲蓋縣地元和志沂水縣後魏孝文帝於此置新泰縣

考隋志沂水下但云舊置南青州及東安郡開皇初郡廢改

縣曰東安是隋改郡爲縣以郡名爲縣名並無舊曰新泰之  
文也後魏置之新泰一統志謂卽蒙陰甚是詳蒙陰齊省蓋縣

遂爲新泰地李氏因此致誤 齊乘沂水漢東莞縣南燕於

續山東考古錄

卷之二十一

沂水縣

十 蝸角尖廬

此置縣魏孝文改爲新泰甚謬

發干縣故城在西北二十里今古城莊魏志發干有岫山或

作危今作雹山在縣西北二十八里一統志發干故城在縣

西北卽古城莊矣蓋以晉戍爲名非一城也或謂縣治亦在

琅邪郡城者其地去岫山二百四五十里且中隔卽邱縣地

琅邪郡城卽開陽城在臨沂城南臨沂城宋魏爲卽邱縣地也縣志謂發干治陽都故城皆

未確今從一統志

隋志東安下云後齊廢開皇十六年復考宋魏皆無東安縣  
而隋之東安卽故蓋縣是齊廢蓋縣非廢東安也

宇文周莒州治東安郡治團城爲新泰縣地

隋沂州沂水縣東安縣開皇初廢東安郡置東安縣為莒州

治十六年改今名別置東安縣寰宇記隋于蓋縣故城置東安縣縣志以為置於東安莊考蓋

城去縣百二十餘里記作八十里似誤以東安城為蓋城大業二年莒州廢二縣來屬

唐河南道沂州沂水縣武德五年於縣置莒州貞觀八年州

廢來屬五代因之

宋京東東路沂州沂水縣

金山東東路莒州沂水縣北境當有穆陵縣地

元都省山東益都路莒州沂水縣

明山東布政司青州府莒州沂水縣

國朝山東布政司沂州府沂水縣初因明舊雍正八年屬莒州

續山東考古錄卷之二十一沂水縣 十一 蝸角尖廬

直隸州十三年屬

縣志道光七年修知縣張燮古蹟慮城在西南百二十里誤詳蒙陰

蒙陰縣

周魯蒙邑齊堂阜邑艾邑南境當有顓臾國地

春秋哀公十七年續經公會齊侯盟於蒙杜注蒙陰縣西故

蒙城是也按即漢蒙陰縣

堂阜邑在縣西北春秋莊公九年左傳及堂阜而稅之杜注

東莞蒙陰縣西北有夷吾亭水經注桑泉水出五女山縣西南

東南流實東北流巨圍水注之水出巨圍之山在西北四十里又東南堂阜水入

焉其水導源堂阜東南注桑泉水桑泉水又東南逕蒙陰縣

故城北雙崗水注之按雙崗水入桑泉水在今治之南堂阜水入桑泉水在此水之西而巨圍水之東今治西有東西二諸福河西河發源西北十八里之伏牛峪東河發源北八里方山二水入桑泉水在巨圍水近志誤以此水爲堂阜水東雙崗水入桑泉之西舍此別無可當堂阜水者堂阜當卽在其發源近地通典堂阜在新泰縣東正其處矣惟齊乘稱堂阜水卽蒙陰東北憚阜大小二河未詳所指何水又謂堂阜在沂水縣西三十里磨石峴下今縣東 十里有坦阜集皆與二杜及酈氏說不合縣志稱在西北三十里近之矣

艾邑在縣北春秋隱公六年公會齊侯盟於艾杜注太山牟

續山東考古錄

卷之二十一

蒙陰縣

三 蝸角尖廬

縣東南有艾山按卽縣北沂水發源之艾山寰宇記艾山在新泰縣東北三十里蓋古人山名所賅者廣牟城在今萊蕪東二十里其東皆古艾山也後漢志劉昭注引杜注於臨沂下而削去太山牟三字近志多沿其誤桓十五年會艾公作郟穀作蒿

漢兖州泰山郡蒙陰縣及牟縣地又城陽國慮縣東南當有華縣地

蒙陰縣故城在西南十五里今西城子據水經注桑泉水逕蒙陰城又東始納雙崗水則蒙陰城在雙崗水西矣西城子正其地土人以爲周蒙城蓋漢縣卽古邑也通典新泰下蒙

陰

一本縣故城在東南卽此城訛陽

慮縣故城在東北 十里今故縣莊水經注盧川水出鹿嶺

山東南流逕城陽之盧縣故蓋縣之盧上里也王莽更名之

曰著善矣按盧川水今又名固下水發源縣東北井王莊西

馬頭崗之老犍峪縣東北六十里中山社西有故縣莊中有漢碑

國初猶存今無惜傍有著善河即慮縣故城矣水經注作

縣志未載其碑文

盧古通用可證沂水縣志之誤蓋沂水西南亦有盧山志誤因此

後漢蓋縣地牟縣地後漢慮省入蓋蒙陰亦省東平陽又省西境當為牟縣地華縣又省南境當為南武

陽地魏蒙陰未詳復置否魏復置東平陽西境當有其地

晉徐州琅邪國蒙陰縣初屬東莞郡後屬又東莞郡蓋縣地兗

州泰山郡東牟縣地當有新泰縣地劉宋蓋縣地牟縣地蒙陰當是晉亂廢

晉蒙陰縣故城在東南十里今公家城據杜預說晉縣在古

續山東考古錄 卷之二十一 蒙陰縣 三 蝸角尖廬

蒙城東也縣志相傳此城為晉蒙陰是已杜預稱東莞蒙陰

晉志屬琅邪 晉志蒙陰蒙山在西南考元和志蒙山在費

縣西北八十里東蒙山在費縣西北七十五里蓋古統名東

蒙後人分為兩山晉城在東蒙北而蒙之東北故云山在西

南

後魏南青州東安郡新泰縣文帝別置新泰縣於此又蓋縣地

兗州泰山郡羸縣地魏志羸有唐阜即堂阜高齊省新泰入東泰山郡之

新泰齊東泰山郡廢否無周隋隋志羸有艾山唐元和志新泰

明文姑以魏制言之東八十里即今縣東北六十里長

處也又縣東南二十許里有元豐七年碑言金因之

係新泰地蓋唐宋今縣境大抵皆新泰地

後魏東安郡新泰縣卽今縣治魏志東安新泰有蒙山元和志謂卽今沂水縣考今沂水縣後魏爲益及發干兩縣地新泰或及其西境隋志新泰下後齊廢蒙陰入焉考後魏無蒙陰而新泰有蒙山是齊省新泰入新泰而所省卽蒙陰故境史誤作蒙陰耳元復置蒙陰至今未徙治元史稱初因舊名新泰齊省後迄金未復所因卽後魏之舊治舊名而後魏所置新泰卽今治毫無疑義矣 齊乘蒙陰齊省不知卽新泰也又云唐初置屬泰山郡後亦廢入新泰微論唐無復置事且唐那有泰山郡耶

元都省山東益都路莒州蒙陰縣初置行新泰縣於此後廢入續山東考古錄

卷之二十一

蒙陰縣

十四 蝸角尖廬

沂水爲新泰鎮後復置改名

元志蒙陰初因舊名新泰中統三年以李璫亂人民逃散省入沂水皇慶三年復置爲蒙陰縣齊乘云國朝至元二年廢行新泰縣當是元初置延祐三年析沂水之新泰今本訛作寨鎮置此縣按紀年與史互異未詳孰是

明山東布政司青州府蒙陰縣初隨莒州屬府洪武二年逕屬國朝山東布政司沂州府蒙陰縣初因明舊雍正八年屬莒州直隸州十三年屬

縣志

康熙二十二年修知縣劉德芳

沿革西南八九里龜山下有古巖

輿城按此本齊乘然在漏澤湖東北十餘里去蒙陰詎止

八九里當有訛字 東漢廢蒙陰置東莞縣北魏併蒙陰  
入新泰齊復置蒙陰皆繆甚

日照縣

周莒紀障邑

或曰本紀國地

紀障在南九十里今安東故衛城春秋昭公十九年齊伐莒  
莒子奔紀障杜注莒邑東海顛榆縣東北有紀城寰宇記海  
州懷仁縣東北七十五里平地近海周一里餘今安東城正  
其地困學紀聞呂氏春秋舜葬於紀蒼梧山在海州界  
近莒之紀城即此城蒼梧山即鬱洲今屬海州  
博物記太公望出於東呂鄉又釣於棘津其浦猶存後漢志  
引此於西海縣下但未詳其時屬何國

續山東考古錄

卷之二十一

日照縣

十五

蝸角尖廬

漢徐州琅邪郡海曲縣昆山縣及顛榆縣地

琅邪海曲縣故城在西十里或據水經注以諸城之婁城為  
琅邪海曲考後漢書劉盆子傳天鳳元年琅邪海曲有呂母  
者子為縣吏宰殺之呂母聚少年數千殺宰元和志莒縣下  
今東海縣有呂母固即舊集之所按東海縣在今海州東古  
鬱洲上與縣隔少海相望又漢志琅邪海曲有鹽官元和志  
漢海曲縣在莒縣東一百六十里是琅邪海曲即此城無疑  
紀要日照漢海曲縣置鹽官名曰日照按漢時無日照名

昆山縣故城在西北百

里諸城縣志稱在昆山西七里

後漢徐州琅邪國西海縣

即海曲改

東海郡顛榆縣地魏西海省否

未詳晉劉宋莒縣地東海郡贛榆縣地後魏東海郡屬海州高齊東海改北

海郡因之宇文周莒縣地海州東海郡東海縣地隋唐五代莒縣

地東海郡懷仁縣地宋海州屬淮東路因之元祐二年於莒縣置日照

鎮漢贛榆城在唐懷仁縣東北三十一里一名鹽倉城唐懷仁縣城在今贛榆縣西里隋自莒縣移此今贛榆縣紀要

以為唐初置南唐移懷仁縣於此東北至日照縣一百六十里

金山山東東路莒州日照縣析莒縣於日照鎮置懷仁改贛榆疑分凡縣置新縣

也

日照縣即今治

元都省山東益都路莒州日照縣

明山東布政司青州府莒州日照縣附宏治三年置安東衛初領

續山東考古錄 卷之二十 日照縣 去 蝸角尖廬

五千戶所後領中前後三所嘉靖中置石臼寨千戶所

縣志明初用二千戶鎮守洪武二年革去鎮守官仍置縣令

若然是初裁縣令矣明史不載備考

安東衛故城前見石臼所故城在東南二十里

國朝山東布政司沂州府日照縣初因明舊雍正八年屬莒州

直隸州十三年屬

縣志康熙五十四年修知縣楊士雄古蹟沙浦古郡名在城東南二十

里見郡志按青州舊志博興古蹟有沙浦郡實海浦之訛

牽入日照尤不可解 石河縣相傳在海中按古亦無此

縣考唐初析東海置石城縣後省寰宇記西捍海塘北抵



石城山長六十里蓋石城山在東海縣北六七十里石城縣當在其地隔海北與日照遙對或由此傳訛耳

續山東考古錄

卷之二十一

日照縣

七

蝸角尖廬

沂州府補遺

蘭山縣

晉書顏含傳補闕陽令卽開陽晉志開陽下注侯相含作令當永嘉時侯國蓋亂廢矣

唐書王仲邱傳沂州琅邪人按唐沂州無琅邪縣仲邱自是琅邪王氏當作沂州臨沂人

郟城縣

春秋桓十二年冬公會宋公於虛公羊作會於郟

元史世祖紀至元元年城郟以沂州監戰塔思萬戶孟義所部兵戍之縣志以爲元末築土城蓋重修也郟終元世未立縣元續山東考古錄

沂補

一 蝸角尖廬

初與宋爲鄰故城之而戍以兵宋滅當卽空廢元末江南兵起故復修而守之

費縣

呂氏春秋夏孔甲田於東陽蕢山帝王世紀謂卽東首陽山可證劉昭之誤 路史太王復娶於駘卽縣南台亭不可從 又以顓臾爲漢縣尤謬

晉書孝友傳顏含琅邪莘人莘華字之訛

莒州

後漢書方術傳趙彥爲宗資陳孤虛之法以爲賊屯在莒莒有五陽之地章懷注謂城陽南武陽開陽陽都安陽並近莒按南

武陽既非莒地又非前漢城陽國屬安得謂莒所有乎近莒一帶並無安陽地名開陽差近莒乃古邶國前漢亦不屬城陽余謂五陽惟城陽高陽確在莒境陽都雖古陽國前漢實屬城陽可當其一卽謂開陽近莒亦當其一仍不足五數也

晉書載記慕容德進據琅邪寇莒城齊郡太守辟閭渾自廣固奔魏德遣劉綱追斬於莒城按魏時都代自廣固奔魏無南至莒城之理况德方駐莒城渾尤無反來就死之理劉綱曰遣曰追非此莒城明矣零縣亦有莒城廣固之代所必經當在彼也路史莒國隋之莒州今密州莒縣理厥後移理鹽官城故世謂南莒按旣謂今莒縣理是宋時莒縣並未移理矣金人分莒置

續山東考古錄

沂補

二 蝸角尖廬

日照日照乃漢海曲縣古有鹽官鹽官城當在彼羅氏在江南誤以分置縣爲移治耳魏志懷仁縣有莒城余初疑之觀此或鹽官城早有南莒之稱懷仁所有指彼也備考

蒙陰縣

路史蒙國東莞蒙陰有小蒙城按蒙陰無小蒙城蒙陰古顓臾國非蒙國

日照縣

太公出於東呂鄉路史謂卽莒國考莒初都計斤商時此地未必已爲莒國地